

湧

明

朱國禎著

幢

小

品

第十二冊

進步書局校印

蘇子卿

PDG

湧幢小品卷之三十一目錄

鶴二則

羣鵲招鶴二則

燕巢

鳥之屬二十六則

鳥田

白鹿三則

異獸

獅象二則

犬七則

虎十一則

牛

生善道

兩牧犢相銜

相牛法

牛禁二則

猴

猫

豕

獸之屬十八則

龍十三則

龍鳳名狀三則

猪龍

龜三則

蛇六則

毒食三則

魚五則

水井魚

神魚

進鮓

雜物五則

蜆蚌

物理五則

湧幢小品卷之三十一

明 湖上朱國禎輯

鶴

楊子曰。鶴羽族晉也。而變小大不同。金九火也。而變生焉。七年一小變。十六年再變。百六十年大變。千六百年變極。而與聖人同隱顯。晉其至矣。

陳州倅盧其畜二鶴甚馴。一創死。一哀鳴不食。盧勉飼之。乃就食。一旦鳴繞盧側。盧曰。爾欲去耶。有天可飛。有林可棲。不爾羈也。鶴振翮雲際。數四徊翔乃去。盧老病無子。後三年。歸卧黃蒲溪上。晚秋蕭索。曳杖林間。忽有一鶴盤空。鳴聲淒斷。盧仰祝曰。若非我陳州之鶴。果爾。當即下。鶴竟投入懷中。以喙牽衣。旋舞不釋。盧撫之泣曰。我老無血胤。形悲影吊。爾幸留者。當如孤山并老。共此殘年。遂引之歸。為寫溪塘泣鶴圖。中繪□□□一鶴。其□後盧歿。鶴亦不食死家。

羣鵲招鵲

某氏園亭中有古樹。鵲巢其上。伏卵將雛。一日二鵲。徊翔屋上。悲鳴不已。頃之有數鵲相向鳴。漸□近。百首皆向巢。忽數鵲對喙鳴。若相語狀。颺去。少頃一鵲橫空來。閣

閣有聲鵲亦尾其後羣鵲向而噪若有所訴鵲復作聲若允所請暫而上構巢啣一赤蛇吞之羣鵲喧舞若慶且謝者蓋鵲招鵲搏蛇相救也。

徐司訓觀宅近啟聖祠縱奴射鵲合邑之鵲無不帶箭者一日鵲銜火焚祠有鵲數百盤旋烈燄之傍若快心者徐坐焚祠去官奴亦瘖啞事在世宗初年。

燕巢

宋時淄青一民家燕巢累年增廣至三尺燕雛既飛忽一旦野禽來集庭除甚衆驅之不去已而巢破有白鳳雛長三尺餘往西南飛去諸禽皆駭散其家亦遷。

鳥之屬

鳥之孝者名曰戴鵲。

衆鳥雄大雌小惟鵲反是。

衆鳥三指向前一指向後鵲兩指向前。

取鳥之未生毛者以丹和牛肉使吞至長羽毛皆紅今之紅鵲鵲或此類也。

鳥鵲之掌縮於腹下。

鳥之雌雄別其翼右掩左者雄左掩右者雌。

雲南百夷中產黃鸚鵡。永樂中常貢此。金文靖有黃鸚鵡賦。成化間海南進紅鸚鵡。朱衣翠裳。沈啟南見而圖焉。

隆萬間緬甸有鳥四足而肉翅。其大如鵝。其鳴似鵝。能飛而不能遠。其雛胎生。飛行則負雛於背。不踐稼穡。不食生蟲。殺之必見不祥。

北方有慈鳥。狀似大雞。善啄物。見牛馬橐駝脊間有瘡。輒啄而食之。往往致死。若饑不得食。雖砂石亦食焉。虜人呼為沽羅。

禿鷲似鵝而大。高八尺。善與人鬪。尤好咬蛇。萬曆壬辰春武寧山中有大鳥。高七八尺。似鵝而蒼。頂禿無毛。其喙有觚棱七八痕。所在之處無物不咬。魚鳥為之一空。蓋禿鷲也。

蜀中山谷間有一種百舌鳥。毛采翠碧。蜀人多畜之。一名翠碧鳥。善效他禽語。凡數十種。非東方所謂百舌也。往往於關至死不解。桂林有鳥。鴈如鵲而紺碧。鬚頭有冠。尾垂一弱骨。各長一尺四五寸。其末始有毛羽。大畧如鳳。鳴聲清越。人能為百蟲之音。生在石江谿洞中。澤州產石。英處有鷄如雉。體熱無毛。腹下毛赤。飛翔不遠。常食碎石英。

廣西有山鳳狀如鸞而鳳喙巢兩江深林中雌伏卵時雄以木枝雜桃膠封其巢僅留一竅取食子成即發封不成則窒其竅而殺之又有大頭鳳飛則羽聲響若轉輪所止之處百鳥不敢鳴。

皂雕一產三卵內有一卵為犬子灰色短尾隨母景而走所逐之禽無不獲者陶九成云北方凡皂雕作巢處官司必窮探之如一巢而三卵者其一必狗也取以飼養進之于朝但尾上多毛羽數莖而已田獵之際雕則戾天狗則走陸所逐同至名曰鷹背。

海鷗神俊善辟蚊螭鄴城鎮將得而寶愛之南陂蛟常為害持鷗往忽投陂水中攫一小蛟出食之且盡。

新寧縣有鳥其大如鵠其色蒼其鳴自呼曰獨足獨足云。

東海有鳥文身赤口而一足唯食蟲多不害稻梁其鳴如人嘯聲晝伏夜翔或時晝出則羣鳥噪之俗名觸觸或曰山譟疑即商羊也。

木客鳥大如鵠千百為羣飛集有度俗呼其黃白色有翼有綬飛獨高者為君長居前正赤者為五伯正黑者為鈴下緗色雜赤者為功曹左脇有白帶者為主簿各有

章邑廬郡東多有之

越王鳥出新州似鳶而勾喙喙中可受二升南人以為酒卮此鳥不踐地不飲江湖不啖百草蟲魚唯噉木葉糞似薰陸香可治雜瘡

山經言鷦鳥如梟人面四目而有耳見則大旱萬曆壬辰七月初豫章城中此鳥來集永寧寺屋上高二尺許燕雀從而羣譟之其年五月晦至七月中酷暑無雨田禾盡枯

鷺瑩錄號碧纒翁陸龜蒙號絳禽三輔黃圖號屬玉東坡詩號雪衣兒所稱不同皆言其白性畏露畜之雖馴至白露必飛揚而去

鳥鼠同穴其鳥為鵒其鼠為鼯今咸陽有鳥鼠山唐詩中往往及之

成都福州貴陽省下多梟各府亦如之無一夕不聞梟聲成都學道署柏樹參天上有梟巢好事者伐其巢得九子福州下令獻一梟賞三十文無日無獻者貴陽用鳥鏡驚之其聲稍遠然鏡聲昔昔不絕官其地者初至甚惡之竟亦未必為殃蓋多則不足怪也

紫荊山無翡翠或移置其中輒飛去汴梁城內無螢火無蟬聲太湖洞庭山無虎無

蛇無雉。雁宕山無荆棘。有虎不傷人。

史載昌邑王求長鳴雞。夫雞安得有長鳴者。滇志雲南鎮沅州有雞形矮小。鳴無晝夜。與中國雞聲異。得非長鳴雞耶。

漢時公膳。日食雙雞。庖人竊易之以鶩。因此知雞貴而鶩賤。雖然。日食雙鶩而易之雞。不又曰鶩貴雞賤耶。

工部徐謫興化縣人。畜一天鶩。徐有往。鶩必從之。或入朝。則鶩盤旋雲漢。候退朝乃飛下。人以鶩卜其去住。家有亭曰問鶩。又同縣鮑氏鴈媒。飛去年許矣。忽聞網中鴈聲。主人驚曰。此吾家老黑頭來也。合網得之。則見鴈媒。將羣雞俱麗網中。不怖不驚。而足銅環宛然。

鳥田

吳越春秋禹崩之後。天美禹德而勞其功。使百鳥還為民田。大小有差。進退有行。一盛一衰。往來有常。地理志。山上有禹井禹祠。下有羣鳥耘田。水經注。鳥為之耘。春拔草根。秋啄其穢。是以縣官禁民不得妄害此鳥。犯則刑無赦。

白鹿

世廟末年進白鹿甚多。胡梅林在浙獲而進者二。一齊雲山。一舟山。舟山在海中。不甚深。還亦產此異矣。蓋天生以應世王之求。不在山之淺深也。

萬曆戊申七月望日。嵩山馬峪居民獲一小白鹿。通身如雪。目睛周圍如丹砂。而瞳子如漆。獻於縣官。畜之凡二年。角將生。遂縱於玉柱峯之下。踰月中使來求之。不得。乃已。抱朴子曰。鹿千歲白。五百歲黃。此一說也。今幼鹿而角漸露。可見又有奇生。別種不可以歲年論也。

張鮫字叔魚。江曲人有學行。晉期帝時。為合浦令。英敏有惠政。白鹿羣遊。因鮫所築城及南山。皆以白鹿名。志奇政也。因取一以獻。詔徵為尚書郎。夫白鹿稱瑞。而至於羣遊。則又千古所少。晉史中多載奇異小說。而獨此不載何耶。

異獸

永樂己亥秋。海外忽斯漢等國。各遣使來進麒麟。獅子。天馬。文豹。紫象。馳高上福鹿。似馳而花靈羊。長角馬。哈獸。相張五色鸚鵡。又交趾進白鳥。山鳳。三尾龜。文可愛

獅象

成化十九年。西域諸國。若速檀。阿黑麻王。偕遣使以方物來貢。有獅子。牝牡各一。雄

姿詭狀。世罕曾睹。西漢書謂獅子似虎。正黃有髯鬃。尾端茸毛大如斗。與今所貢正同。而梵書謂有青綠色及五色備者。蓋不常有。或夸言也。軒轅紀帝登黃山。於海得白澤神獸。能言語。達於萬物之情。穆天子傳。獲狔。日行五百里。爾雅。獲狔類彪。貓食虎豹。世謂白澤狔皆即獅子耳。

豕豕類也。張腹而藏。畢露者也。今人讀豕曰畢。世而不知其義可乎。

犬

李明道。豐城人。家富於貲。乘亂起兵。附徐壽輝。後附陳友諒。及見獲於胡大海。太祖宥之。命為行省參政。令與曹萬中等守吉安。兩人不相能。明道復叛。附於友諒。及友諒敗滅。明道復走歸豐城。剪其鬚髮。逃匿武寧山中。有茶客識之。縛送武昌。上數其反覆之罪。明道無以對。遂磔於鮎魚口沙上。明道嘗有所畜犬。為我軍所得。携至武昌。犬見明道被戮。嗥鳴躑躅不已。啣聚其肉。跽沙瘞之。上義此犬。因命斂葬明道。

秦邦者。家饒好貨殖。永樂初年已四十。將往京師。卜之不利。妻許氏苦諫不聽。邦畜一白犬。相隨出入。甚有靈性。是日解纜。犬忽呼號躑躅。躍入舟中。啣邦衣裾。若阻行。

行者邦不悟遂挈之偕行舟次張灣有寇登舟俱被刺死於水惟白犬從後艙躍出
嚙一盜手幾殞衆持刃來逐犬赴水適賊既去犬潛尾到家默認其處晝則覓食夜
伏水次守邦如是數月人皆異之未幾巡河御史呂希望至見白犬號呼岸傍狀如
泣訴異之曰此必有冤命吏卒從犬足爬地果見邦屍犬嗥叫屍傍不去希望曰此
必故主被謀害但不知兇人何在犬能指其處乎犬搖首遂行命吏隨之里許至一
室賊方會飲犬徑入嚙之吏縛賊至拷掠未服忽一人啼而前訴曰某乃秦邦僕也
吾主被劫死某亦被刺落水幸而不死此屍即吾主也賊遂伏罪其僕昇主柩還犬
亦隨到家晝夜踰伏柩側時或悲號葬甫畢犬觸樹而死許氏義之埋犬塚傍許氏
守節終身被旌。

王日就字成德分水縣人少負俠氣夜獵從騎四出有畜犬嗚嗚啣衣搔之不却且
道且前怪之亟隨以歸明日覆視其處虎跡縱橫數曰犬人畜也猶知愛主吾奉父
母遺體不自愛可乎散其徒讀書中年傳家政於子堅坐二十餘年淳熙元年年六
十五正衣冠泊然而逝

殺狗磔縣四門起於秦德公蓋狗別屬主善守禦故以為禳以辟盜賊月令曰犬者

金屬押金以畢春氣使不為害。令萬物遂成其性。今惟夷狄行之。中國則否。狗後有懸爪者曰犬。善警苟食。故目人之卑污者曰狗。古者有田犬。有吠犬。有食犬。記曰。士無故不殺犬豕。指食犬也。

江口備倭官宋儒畜一黑犬。至夜輒踰出。或竊鄰肉以歸。鄰患之。訴於儒。儒因伺之。良是。售之狗屠。得百錢。旦日啟扉。犬已逃。至搖尾就儒。作乞憐狀。儒與犬約。自後勿復竊鄰肉。則貸汝一死。仍以原錢歸屠。犬即彌耳馴伏。投以骨。一嗅輒去。甘守糠覈。見者咸歎異云。

余氏有老僕畜一犬甚猛。僕怪其嚙人。每欲殺之。犬輒遁去。異日復還。嚙人如故。也。後竟殺之。犬忽憑僕之妻。佯狂而啼。具言我前生獵徒也。再世為秀才。今為犬。後生將復為人。我無罪。何妄殺我。始我匿竹中數日。謂汝意已解。故復來歸。汝竟殺我。我何罪耶。啼數日。尋愈。後亦無恙。

虎

昔有人北試道經彭城。過鄉落間。見一義虎橋。詢諸父老曰。昔有商於齊魯之墟者。夜歸。迷失故道。悞墮虎穴。自分必死。虎熟視不加噬。晝則出取物食之。夜歸若為之。

護者。月餘其人稍諳虎性。乃囑之曰。吾因失道至此。幸君惠我。不及於難。吾有父母妻子。久客於外。思欲一見。仗君力。能置我於大道中。幸甚。虎作許諾狀。伏地搖尾。招之。商喻其意。上虎背。躍而出。置諸道傍。顧而悲。跳分去。後歷數載。商偶經此地。見諸獵縛一生虎歸。將獻之官。熟視乃前虎也。虎見之。回眈其人。感泣。遂與衆具道所以。亟出重貨贖之。衆亦義其所為。相與釋縛。縱深山之曲。後人於其地為橋表焉。

長興臧進士鄰人。薄暮為虎所嗜。聞空中呼曰。業畜莫轉牙。背而行。如風雨聲。天明拋一大寺前。僧百餘。曝朝曦。補袖問之曰。天台方廣寺也。旁店。老婦人僂。端立一子。可五六歲。見而招之曰。汝久飢。當以粥啖汝。泣拜謝之。因謂曰。吾已無夫。止一子。肯留否。又拜泣告以思家不能留。笑曰。去此不知幾千萬里。家豈可到。遂大哭求死。老婦沉吟曰。當令吾子送歸。第命合眼隨而行。風雨聲如前。久之。喝曰。已到。看看其子。忽不見。時夜半月明。識其家扣門。妻子兄弟。皆以為鬼。不敢應。比明人也。乃抱而慟哭。慶更生。時離家已念餘日矣。其人至今尚存。

處州蔣姓者。善殺虎。人問其故。答曰。百獸難殺。惟虎易殺。蓋它獸見人奔走。逐之。或不能及。虎恃勇。見人。負端振威。磨牙掉尾。欲撲人而食之。吾得鐵叉。對虎中立。二人

執鎗旁佐之。叱虎令前。徐以叉接其項。二鎗夾進。折而仆之。無難者。使其見人即走。吾烏能盡得志。可為好食人者之戒。世有猛而貪得者。殆此之類也。

正德十年中秋。清河縣有虎自梁山而來踰城入察院。升大槐枝頭。耽耽下視咆哮。甚厲。知縣張綸用壯民李萬等搏殺焉。

小說中力士尤昌四殺虎以鐵鎗為首。削堅竹。炙以油。未畢而虎至。兩手執其膊。一手擎尾。一手取竹刺殺之。其說未知果否。而要之竹刺之可用明矣。丁巳杭州有虎入城。營軍三百尾之。出錢塘門。將官多力者持鎗進。輒被拉斷。一醫生見而笑之。眾因就問請計。醫士取鎗疊試。皆曰都不可用。亦削竹如前法。刺虎中之。按竹奮臂覆轉。虎亦隨轉。就斃。蓋難不在刺而在轉。轉則鐵鎗都折。折則虎奮。猶能脫鎗傷人。惟竹勁不可折。得施全力故也。醫士又云。凡虎蹲定不肯去。作咆哮聲。攫拿勢者。一人以鐵叉直立俟之。虎跳而撲。中口。二人持棍擊其腰。可以立斃。其曳尾前行。不睨人而睨地。目光反照。見人緩急。因之行止。又不作聲勢。此殆有神。未可易視。蓋虎性燥烈。聲勢可畏。能怖人。却亦易竭。可擒。惟沉沉迤邐無所應。不作聲勢。固自難制。少年在處州山中。曾見其一獵士。數百人隨之。一人援矛而前。虎反躍嚙其項。棄之。直衝

而馳仆地者十餘人。有死者。竟越山去。

徐恩。山陰人。家貧。不甚知書。而孝友。由天性。與兄文。刈薪項里嶺。日未午。一虎從叢篠中出。噬文牙貫肩項。恩急顧得一木格。趨擊虎數十下。持不可奪。則躡文足。自後搏之。虎乃釋文走。恩度必復來。於是曳文首前。向立。跨屍以待。且大呼曰。天乎。吾於虎何讐。虎殺吾兄。天尚相與殺此虎。復兄讐。少選。虎迂行。負上勢。奔突而下。恩側身承勢。橫扼而擠之。虎輒失足旁逸。若是者凡數四。鄰族聞者。或匿林薄間。呼恩棄屍。自脫。恩厲聲曰。汝能助我。不能無撓我。今日斷無棄兄理。我不與虎俱生。與虎殺。騎不得復奔突如前。垂至。則人立不動。亦若出奇設疑。意在乘間以逞者。恩直前批之。適中其鼻。虎創甚。始却步。徐行而去。然猶數回視焉。既而救者咸至。共輿屍以歸。恩力竭。病累月死。方恩病時。人有以義士譽之者。恩愴然涕曰。吾恨力止此。不能磔此虎以祭吾兄。吾乃以是得眾人譽。吾獨何心哉。邑大夫蕭鳴鳳傳其事而為之贊。何兆三。山陰人。弟出採薪。虎突至。銜其首。兆三呼號奔救。以篠擊虎。虎遽舍之去。弟乃得生。兄弟為樵十餘年。稍有所儲。兆三曰。我老矣。當為弟娶。以延宗祀。若有子。即吾子也。於是弟遂娶生子。而弟死。弟婦悍。不能奉事其伯。兆三不免凍餓。亦無悔。

云。

曹小娥黃巖人。嘉熙二年二月晦。同其母范。及鄰居二十人。採筍陸婆坑。范為虎所得。衆悉驚潰。娥執母手。推虎而叫。范知不免。奮誓然命之去。娥叫執愈疾。亟行數百步。虎掉尾拂娥。踞坐視。娥以身翼母。推之下山。尚喘息。會救者至。以布衾裹歸。母死而屍得完。里人吊之。娥不能言。徐曰。黃虎也。吾不得代吾母死也。

夏孝女少字阿九。亦黃巖人。時年十五。一日隨父與其鄰。樵於山。父前與虎遇。鄰人懼。孟升木避之。女見父陷虎口。噉號直前。執新鞭虎。且鞭且誨。踰十步。虎棄其父而吠之。

餘杭方祥。買山於古城。山主朱氏既畢事。朱復誣謂未受直。與其徒三人。邀議於山舍。方弗校。即更與之。第指天矢之曰。吾苟負若。出門即死於虎。若負吾。當亦如之。朱出門上馬。已覺體戰栗。轉顧虎突來。攫其騎。啞其臂。方奮呼。舉火燎虎。虎乃釋去。朱以緇著厚。得不死。乃自訟而語諸人。方又一日黎明。凌霜過潘板橋。橋布水狹而修。下瞰湍流甚險。行將半。見彼岸縞衣偉男子。大言梁斷矣。勿過。因即返。候明。得而渡。視梁果斷。霜路無偉人跡。意村叟也。訪謝之。通村無此人。而旁有周報王祠。疑神助。